

迦

陵

詞

全

集

迦陵詞全集卷二十二

宜興陳維崧其年著

選

第
維岳緯雲
參閱

宗石子萬

男履端

校

姪賜薛

瑶花

秋雨新晴登遠閣眺望

青山如黛淥水如羅映真珠簾罅金闥瑟瑟正青砧隔院
擣衣纔罷登樓遠望見一帶碧雲輕瀉更蕭關征鴈濛濛
愁煞江南此夜幾回搔首沉吟歎今日深秋前朝初夏
疏光遞換問何處更覓鈿車羅帕傷心故苑依然似天涯

客舍對秋風，強舉金尊。又是夕陽西下。

竹逸邀同雲臣賞欄前粉芍藥，用次聞詞韻。

無暇號國有恨明妃，一朶千金價盈盈。笑厯倩厨中櫻笋，
娛他新夏牡丹剛謝了。檀板銀罍纔暇，又階前婢學夫人

一樣嬌姿瑩夜

芍藥爲牡丹婢

參差粉面齊呈愛，雪顰珠欹幽

輝凝射露華微綴，垂綃淺向玉欄低。亞折來，誰贈覺消
水風光堪借記芳名，似喚將離斗頓沉吟花下。

芍藥一名游離

閨蘭

關心往事，纔眼閒窗臥浪紋。簾幾番親記，有幽花開足
露條烟臉紫莖，頰甲宜相傍。疎簾低檻，愛風情帶篠斜欹。
花乳和茶細點，一朝閨嶠烽馳。任荔浦雲橫，鯉湖月慘
誰憐翠袖空谷裡也。作炎荒竄貶而今夏也，長想像幽姿。

冷豔思陰陰鼓入冰絃指下餘香猶泛

春從天上來

壬子元夕

梁宋飄零臥鄮邑殘橋下縣荒亭聞道今夜海碧天青人
世幾度曾經想半生踪跡歡娛短愁緒星星攪離腸更翻
堦急雨只是霖鈴回思春橋夜市對盞盞星毬扇扇銀
屏喚馬前情窺簾舊事此際有影無形筭除非夢裡重相
見巫女湘靈夢還醒五更竹響半榻燈燐

錢塘徐野君王丹麓來游陽羨余以浪跡梁溪闕
焉未晤詞以寫懷

烟月杭州記徐卓當年詩酒風流水市露井桂槩蓮舟老
鐵吹裂龍湫奈十年一夢斷橋上落葉颼颼恨年來只無

情皓月猶挂湖頭 王郎清歌絕妙邀白髮詞人同下長
洲瑟瑟丹楓濛濛白鴈秣陵總不宜秋歎龍峯歸後人去
遠烟纜難留漫登樓數枝殘菊還替人愁

壽玉峯徐太母同青際賦

林澗逶迤正翠陌纔晴綠水微波昨夜月裡群玉山頭無
數鳳舞鸞歌恰霓裳入破天風緊音節柔和簇華筵更禽
轉迦陵花雨鬢陀 階前宮袍作隊都不是尋常獸錦龍
梭百歲紅萱三枝瓊樹天邊樂事誰過向蓬萊西笑碧海
事別後如何問姮娥蟠桃開處依舊紅塵

金盞子

咏燈

一盞紅釭灑玉膏鴛紗皺處偏凝春夜照梳頭蓮籌香燭

清牙蒜犀釘便教煎盡銀荷奈芳心耿耿敲翠竹悄喚綠
翹簷前蘭燈將暝喚遍無人磨且獨自織手靠粧臺挑
鳳脰死轉處重思省當時風細人靜曾偎壁帶流蘇剔銀
虹潛等紅調冷空對並蒂燈花怎生相稱

安平樂慢

晴郊紀勝

春水如油吳船似屋較他亭館還多燕翻油幕鳥啄銀鈴
分棚占斷晴坡花面梅粧看帽紫竹粉袂掠蘭莎露蝶媚
春羅成團打塊婆娑正春壓歌場花擡酒價半天戲鼓
嵯峨曼衍魚龍徧念奴悄試一聲歌急拍將闌攣趁畔暝
翠微波春游晚半城夜火盈盈細馬雙馱

雨淋鈴

秋過城南蔣氏園亭追憶瞻武并悼吳傅星又郭

許墳友諸子

斜陽城闕晚秋行散偶爾游歇故人曾有池館風簾零亂
鏡湖超越花朵柳絲如畫映秋水林樾更三五知己流連
河沒參橫浩歌發笛聲隱隱霜空濶廿年餘往事星明
滅如今園裡只有荒井畔聽貼悲咽滿目山陽催得盈顛
種種華髮最惱是綠水橋邊尙挂當初月

還京樂

送叙葵上人北游

綠楊外瓢笠蕭蕭與渡春江尾想此情猶戀齋廚櫻笋山
園桃李向津樓斜倚隔花鞭影回頭指隱隱見四百八十
南朝烟寺問師何意將三春錦片年光擲與江東野父

沙際孔逢連歲開河清斜陽荒亭衰墨拍他年又紅鯉無
書金鴻少使欲倩神僧咒爲君禁住流水

萬紅友養疴僧舍暇日戲取南北曲牌名爲香隱
詩三十首用填此闕寄跋卷尾

碧苔紙更用成都粉水桃浪研團松綾織膩花字格間
吟間寫恰翠承朱亞澄心紙鎮銅臺瓦孝穆管爭願化作
珊瑚爲架想僧廬暇竹籬邊行散間招仁甫酸齋自仁甫
酸齋金元疏本中高手也水際月下共取趣拍牌名與三唐較量聲價
似續紛簇蕃錦成純侯鯖製鮓歷亂紅么點江村蠶豆盈

把紅友自署記
豆村山人

春雲怨

泛舟過顯德寺逢友人同坐僧寮茶話

春山六幅和山前
春水朝來齊綠指
點前村古寺隔水經
幡烟際盡竟買蜻蜒斜穿釣畧搖皺溪梢一痕玉隱隱鐘
聲迢迢僧語風亞半墻竹
遙青媚寺添幽獨意中人恰
到吟情倍足小院松濤又將熟笑向空王十載塵襟一時
盡汰斜日歸庄落紅成陣依舊閒愁萬斛

喜遷鶯

咏滇茶

胭脂綺纈正千里江南曉鶯時節絳質酣春紅香籠午惟
許茜裙親折小印枕痕零亂淺暈酒潮明滅春闌裡較琪
花玉茗嬌姿更別
情切想故國萬里日南渺渺音塵絕
灰冷昆明塵生洱海此恨擬和誰說空對異鄉烟景暮記
舊家根節春去也想蠻花犵鳥淚都成血

雪後立春用梅溪詞體

絮飄綿糝正六花罷舞晴光初結凍解融雨收鴛鴦暖
被笑聲烘就儘紅情綠意情釵上綵幡輕逗春信淺似纔
青燕尾欲黃鶯脰 倦首寒威轉暗省年時有箇人清秀
怕寒柑兒衫籠松子淺立粘鴛屏後別來情事改慊慊也
渾如殢酒剩倦影與野塘小寺早梅爭瘦

清明前一日陪史耳翁飲雪持齋頭

晴簾乍浣被燕蹴紅英遞香窗眼漸漸溪橋迢迢楊柳一
半黃輕綠隨風弄軟纔不定日煖蘼蕪何限春醪熟囑東
陽愁緒暫時分遣 早晚南陌上綉憶雕輪依約何時歸
千載魚燈五侯蠟燭贏得三春夢短從古禁烟時候祇博
烏啼花怨無聊賴把粉箋細寫傍人休管

排悶和雲臣韻

憑高指顧歎野水增波故陵無樹萬疊金笳千尋鐵鎖依
舊大江東去休管周郎安在便覓桓溫何處長嘯罷柏永
嘉草草不成南渡遲暮縱有日採藥蓬萊悲殺神仙誤
姚女難歸弄妻不返歲歲亂紅迷路悶把唾壺輕擊愁對
寶刀低訴空城下聽寒潮徹夜魚龍聲怒

華漢章招飲聽蘇崑生度曲

風簾霜院有一派晴秋暗紫窗練酒辣侵唇菊香撲鼻黃
雀紫微初薦正值客心悽處那禁夜烏啼斷絳燭底恰白
頭賀老江潭重見離怨言不盡水市燈昏試取酒槽按
宛雛家鄉武昌樓櫓往事暮雲分散蘇中州人又常客左寧南幕愁似
長空颺絮淚比真珠脫線君休唱惹青衫濕了再無人管

石濂和尚自粵東來梁園爲余畫小像作天女世

花圖詞以謝之

月明珠館有帝釋髮陀身雲散滿鰲國旌幢鬘旖吹萬
疊雪傾銀濺裝罷紅棉粵嶠看足蒼楓梁苑饒能事儘微
皴澹抹黃深絳淺 篋衍有一卷細膩凝脂三尺松陵絹
少不如人師須爲我畫出鬢絲禪板旁侍湘娥窈窕下立
天魔蹇產人間苦恨碧桃花謝洞天歸晚

立冬

西風忒峭把似錦濃秋霎時都掃林影添黃潭痕減翠易
損他鄉懷抱甕頭索郎未熟全口獵徒還少燕市畔漸消
寒九九排當畫稿 那曉人世事月令歲華慣是田家好
摘菜淹菹燃糠煨芋夜火村村打稻惆悵年來殘夜催着

朝衫偏早憑誰說向茅簷曝背溪南詩老

探春慢

連朝大雪計桐初尙未達東阿也詞以憶之索京

少戴山和

四野瓏鬆一城飄瞥滕六作黃塵舞低閣憑闌遙天策騎
人在最微茫處會對君家說且看了春燈方去那知一夜
離情六花頓釀如許雪沒中原無路料尙隔東阿幾程
烟樹冷驛搖鞭亂山卸馱酒向何村貰取遍暝投山店衾
似鐵一燈無語夢入江南小庭梅萼初乳

新正四日東華門道上同徐電發並轡作

冰泮金塘雪消碧瓦已將春霽閒作書鼓敲時繡旗颺處
帶道晴絲嬌悄遶后粧樓在記樓上朝天梳裹如今白玉

欄杆無數燕泥輕墮 詞客吟情無那怕路近天家鞭影
微軀一抹斜陽幾朝禁苑墻下橐駝閒臥縱到花開日問
曾否連昌上鎖多少新愁恰被宮鶯啼破

綺羅香

清明感舊

綠水樓臺青春院落又是韶華百五錫粥榆錢過了匆匆
時序怕今年玉剪來時是去年釧車停處最難憑輕煖輕
寒天涯羈客甚情緒 少年此日嬉游有窺簾綺態當壚
俊侶一自飄流冷落天桃門戶西樓外幾陣鶯花北邙上
一堆羊虎向斜陽斷碣殘碑多少橫官路

初夏連夜於許茹庸仲修席上看諸郎演牡丹亭

有作

許祿多情清和佳節連夕嬌歌妙舞料得眉峯碧到愁時
都聚記昨宵銀瑟初停又此夜紅牙再補看一群燈下諸
郎依稀盡解此情苦獨有江東詞客爲家山路遠倍增
淒楚回首朱門畧記蟲娘庭戶好院本全部笙簫沒心情
半生羈旅比年時携手聽歌多了黃昏雨

咏海棠

褪盡梅粧飄殘杏靨春事今年恁快滿樹紅綃已把小樓
遮礙三分醉午酒嬌痕一味蠟盡眠慵態記箇儂萬里家
鄉西川遠隔蠻江外惜花燒盡銀燭花亦相看熱懨懨
長在着水啼烟鎮向餘寒忍耐纔深巷帶雨斜開又前街
提籠爭賣惹人是幾陣春愁撚一枝誰戴

咏落梅

滿院濛濛半園寂寂萬隙銀鷺齊跨壓帽籠鞭無數
廊下驚夜靜粉淚難乾趁陰重水魂易化更憐伊
風樓東頽玉粧初卸 有人剪燭偷照腸斷紅香
嬌姁拾取盈盈和麝題封綃帕記當日冷淡交情
付他年水天閒話空遺下瘦榦斜枝向橫窗暗寫

咏櫻桃

小摘勻圓低擎嬌俊萬顆輕紅同瀉綠葉陰濃正值江東
初夏茜裙濕裏處如無珀盃滑盛時欲化正小樓樊素偷
含丹唇比似誰真假 熟時江岸野館曾壓他低帽籠他
細馬此際重拈試與端詳嬌姁休還問紫禁金盤最難忘
紅窗綃帕入手更和淚相看鎮胭脂盈把

春日咏蘭

離墨山前善權洞口一逕紅蘭堪藉露眼如啼掩冉溪庄
水樹趁雨摘螺黛青分帶烟采蝶裙碧化妬歸樵滿擔清
芬口斜纖手剛盈把紫莖暗數漫剪還取春泥壘粉紅
墻罅午困粧餘慣是向人沾惹被玉軫彈上銀蟬向犀奩
和些水麝待閒裡焙入龍團小窗供夜話

咏薔薇

樓外金塘巷頭銀井隱約非花非霧一片胭脂祇許鶯梭
穿度怯攀折綠刺潛防賣窈窕紅情暗與隔綃窗背背鞦韆
懸朦朧最是竊香路小拈螺子鈿盒將露華傅體帶他
鴛侶一架薔薇重取殘春填補看裊裊風裡腰肢是盈盈
夜來情緒誰悄把綉譜親描惹墻花漫妬

龔節孫錄余所選今詞賦此奉柬

浪打新亭霜飛故國誰許詞塲稱霸紅豆金荃漫向夜深
騰寫半閒鈔酒館銀牆半偷傳粧樓羅帕到如今粗比牛
腰叢殘卷軸蝸涎挂太息韋莊牛嶠問如何偏遇極天
兵馬珍重君家重覓蠻牋細研看殘秋滿篋香詞是老夫
半生愁話囑宵闌好護烏絲莫使釭花地

題宋旣庭小照

圖作長
松竟幅

昔夢都非舊游頻換秋夜一燈吾汝彩筆憑陵壓盡曹滕
邾莒曾見說援臂難封又聞道蛾眉工妬任紛紛項領兒
郎薰香剃面畫衣袴誰將東絹一匹敝銅身鐵鬣翠交
蒼互子落濤鳴下有幽人箕踞看幾簇露葉烟條經幾場
落花飄絮鎮朝昏吟雨啼風慣爲渾脫舞

眉嫵

壬子除夕

又殘更冉冉往事星星短髯被霜染夢入屏山路黃昏近
金荷一盞情點濃陰微慘任小樓和雨輕掩筭今夜笑語
香街沸有春勝雙殿 思念愁多類麗記簾窺秀黛柱映
嬌臉詎意分飛後相思苦淚滴桃笙紅淡長江天塹况萬
重敗驛荒店料此際有人只爲我翠蛾歛

花心動

二月八日微晴同雲臣過北郭外訪寒松上人
不遇紀事

薄靄新暘翠禽啼綃窗乍催人醒弄袖風微印屐泥乾村
館酒旗低映相携緩步迴塘上尋春寺聊添吟興畫溪屋
荷菊初漲遙川綠竟 叩罷禪扉誰應剩花底經幡烟中

齊簷竹院因循水郭遲回忍負雨餘妍景春衫且把橋欄
倚閒數徧碧紗官艇前溪裡一行社歸人影

瀟湘逢故人慢

題余氏女子綉柳毅傳書圖爲阮亭賦

龍綃一幄有靈芸針線刺繡描寫秋水漾波瀾正洞庭歸
客憔悴思還牧羊龍女恰相逢雨鬢風鬟看多少沙明水
碧一天愁緒漫漫却又早來橋浦見兒家綃宮璇闕生
寒貴主下雲端更箱開青玉珀映紅盤海天良夜論恩情
可似人間綉到此料應長歎眉峯斜威湘山

送王亦世歸漢陽兼寄懷人

西風湘楚正湘竹如啼湘禽如舞湘岸飛湘雨更淥水微
波青山可數幾幅烟帆採不盡白蘋紅杜想此際仙令歸

簞一孤江山今古 女娥祠已子國看歷歷晴川萋萋芳
樹風外催津鼓恰人在洞庭秋盈橘浦官舫瑤琴總彈破
沙清月苦倩楚楚塞白鴈同歸并寄阿戎此語

夏夜對月用王和甫韻同蘧庵先生賦

冰輪將滿看光生兔曰冷透龍窩水烟漾春羅看今夜都
浸一片金波流螢的的趁月明低坐庭柯倚江閣一聲橫
笛扁舟驚醒漁叢 閒回首追往事數年華盡從離亂經
過短髻漫婆娑怕明日秋池又颺枯荷江南風景休辜負
且放狂歌還尋取東京故老晚涼閒話宣和

九日前一日竹逸約同雲臣雪持諸子石亭探桂

今秋吟艇隨沙鷗浦鴨仍泊前灣桂香漱潺湲訪樵徑乘
醉小叩禪關藥欄菌閣好排當竹翠苔斑喜今日山靈醒

我秋晴竟不曾慳 晚粧好釧翠髻且迴舟停橈細認州
鬟汴落葉哀鴻喜碧鱸薦狙紫蟹堆盤狂歌脫帽凭舷叫
奇絕溪山殘年約撈蝦收豕終須置我其間

二郎神 第一體

春寒感懷

偃仰天氣況是天涯羈旅侶悵類浮萍飄泊久傷情處黯
然無語且檢紅綿燈下看瞥見了深閨針縷想當日執手
叮嚀預料春寒如許凝佇沉吟欲著幾番推去任春衣
紅藤箱底悶甘領受疎風嬾雨擬向春江傳此意奈江上
雙魚無據恨點點楊花疊疊青山遮人歸路

玉蘭花餅

東風寂靜幾樹珠明雪映低亞玉羅窗篩碎小鞦韆影陰

晴難定粉樣衣裳休曉了怕惹起香閨春病向花下盈盈
小摘付與當壚說餅嬌靚薄抵蟬紗圓踰月鏡想厨娘
指螺紅一縷牢丸上纖痕猶凝粉殘莫悵佳人命相賞有
金尊綠茗也省到鶻啼萬片飛瓊拋街填井

牢丸餅名

月中桂

咏丹桂

月姊粧成向銀河淺灣自瀉脂盞紅芳歛灑早西風篩上
幾堆金粟緋衣梳裏好乍卸却厭襖粧束偏單秋籬外望
來絕似鴈背夕陽幅纍纍絳綃微感愛瓏璵細纈相間
黃玉枝頭桂父想夜來微醉臉霞初足仙翁顏渥赭帶笑
覲嬌娥幽獨縹緲天香滿銀蟾掃來丹白熟

永遇樂

京口渡江川辛稼軒韻

如此江山幾人還記舊爭雄處北府軍兵南徐壁壘浪捲
前朝去驚帆燕水崩濤颭雪不爲愁人少住歎永嘉流人
無數神傷只有衛虎臨風太息羈奴獅子年少功名指
顧北拒曹丕南迎劉備霸業開東路而今何在一江燈火
隱隱揚州更鼓吾老矣不知京口酒堪飲否

東溪雨中脩禩

錦攬籠沙紅欄委浪一碧無際催暝鳩啼拖涼荇滑隔浦
春寒細滿裙令節偏將絲雨添滿一川空翠便教他冥濛
滴瀝正應恁時脩禩年年此日酒痕花淚零亂俊遊衫
袂水上麗人山陰脩竹往事都休記莫停檀板且偎紅袖
此會後賢應繼歸來也明朝花下問他晴未

題惠山松石

虎踞龍僵獅蹲象偃人立而侵鐵幹盤孳銅根倔強勢欲
排天去老苔秋縛怒濤夜吼捲盡蒼茫今古鎮支離千圍
古翠祗容冷雲堆絮誰眠其下却驚石丈橫礙松根蟠
處鳥雀呼風兒童敲火碧漚千鐘乳銅駝頭角石鯨鱗甲
將等何堪信伍看月下頽然二老幻成翁嫗

送國次歸吳興和潛心韻

古渡西風亂山落照明日將雨手內金樽橋頭畫艇漸到
消魂處踏臂狂歌掉頭長嘯萬事總隨花絮歎英雄古今
無主夜來酒邊曾訴路出橫塘船經夾浦莫問師師舉
舉且減柔情還憑老手只種金城樹學士山邊醉翁亭在
多少名賢來去喜到日一湖碧浪全家團聚

馬殿開太史招飲兼以軒中遣懷詞見示卽用左

韻奉柬

碧浸籬門青粘屋角風葉鳴路山後池塘水邊簾閣色染
瀟湘雨鴨關鹿柴音柴棕鞵桐帽間數花鬚微步日長時據
梧捉麈清談大有支許金門賜潄玉堂延客過賞蕭齋
烟樹綠筍朱櫻金蠶雪鱸臨別重牽住少焉瞑結且隨漁
唱搖艇悠然而去還相訂頻將香茗共消晨暮

健庵立齋雨太史步過半菴園九來有詞紀事余
亦次韻

映竹爲園借花藏屋壘石成路綠水闌干黃梅庭院翠滴
衫邊雨蓬萊人物峨眉兄弟小覓池亭幽步問誰將荆關
粉本蕭齋畫得如許徘徊徙倚墊巾脫帽隨意臨流選

東坡詩集卷二十三
三
唐立堂
樹駁蒼桐陰攤書薜磴聊伴沙鷗住斑斑雨點陰陰麥浪
分付棕輶歸去柴扉掩風燈颺夜水鐘敲暮

丁巳夏日壽吳靜安太史

此日佳哉衆賓樂甚爲鎮西舞閭苑涼生玉堂碧浸瀟灑
原無暑詞臣賜澣郎君掇桂幼者還如衛虎筭從來袁楊
王謝卿家古今誰伍百年纔半萬般休論暫狎滄洲鷗
鷺荷漸成裳篁將着粉月又窺銀浦秋枰茗椀笛床書幌
柴几間摹歐褚年年到紫蘭開候滿斟綠醕

歸朝懽

壽馬殿閣太史五十

幾載口華東畔仕吟盡上林盧橘樹暫因休沐臥家園含
傍別築鶯花圃曉峰晴可數鈴鐸小髻添嬌嫋羨風光紫

魚吹雪紫燕書梁乳 水榭渾香生一縷閒課雛意
鑄定菱翠滑最憐渠南華且了朝來註掃花蓬島侶群
鷺鶴堦前舞順年年朱顏綠髮雙向鏡中駐

霜花腴

蟹

鴈行陣陣帶夜來西風觸響簾鉤偏值新晴且謀小飲霜
螯最是宜秋晚軒更幽點吳羹玉腕纖柔笑人間萬事鴻
毛知他何物是監州 爾雅讀來須熟莫移封彭越作內
黃侯淺傳紅糟低斟白墮春醪灑灑光浮菊花部頭被絃
聲郭索輕偷待微酣半捲風簾催人同倚樓

送入我門來

釀酒

金陵臬
署作

悶倚牙屏慵拈兔管家鄉瑣事縈懷還想霜簷羈緒最難
裁村村燈火收紅糯便小禽鵝黃次第排糟床壓夜悄真
珠碎滴響亂蕭齋 今日情勝早睡料得醺王事業不到
吾儕夢渡溪橋短策破蒼苔經過藥玉盈缸熟併一路撈
芬撲鼻來算東風將軟酒旗漸漾映水沿街

丙辰除夕雪用草堂原韻東里中數子

爆竹驅雛縛船送鬼飢腸鳴闔春雷楫拙爐紅荆布漫相
偎一年陳事騰騰去被玉兔金蟾曉夜催山城內多少釵
幡翠剪樓幔紅開 況是六花披拂阻隔狂朋俊侶吟笑
誰偕愁譜淋鈴絃促柱全摧情悰悽比商船婦又畧似飄
零曹善才幸東皇解送梅魂雪魄入我門來

尉遲杯

別況

春江上見鷓鴣濛濛飛碧浪草間珠露猶垂岸左紅蘭纔
長東風斜日小玉門前攬烏榜正離人好夢初醒雙擁紅
篝凝想因念十載漂零長則在水驛烟程來往手把金
尊和淚說枉說是畫眉張敞如今便花開花謝祇憑得紅
襟梁上講送郎行獨凭小樓櫓聲水面搖響

過和雲臣秋夜觀演雜劇之作

飄紅穗正夜靜蟾影昏如醉想曾秋院聞箏也向春城拾
翠如今惘惘樓外雨和愁小門閉向空王禮淨名經懺却
脂香粉膩聞說今夜誰家有年少羣羣舞衫花似咫尺
銀墻天樣遠情緒嬾懽騰思睡正夢着鬱金堂後那年夜
橫波珍重意又風吹隔巷嬌畝夢游驚醒難記

許月度新自金陵歸以青溪集示我感賦

青溪路記舊日年少嬉遊處覆舟山畔人家麾扇渡頭士
女水花風片有十萬珠簾夾烟浦泊畫船柳下樓前衣香
暗落如雨聞說近日臺城剩黃蝶濛濛和夢飛舞綠水
青山渾似畫只添了幾行秋戍三更後盈盈皓月見無數
精靈含淚語想胭脂井底嬌魂至今怕說擒虎

合歡帶

爲吳陵宮掌雷賦催粧詞

美緋羅燭吐銀牆燈影背響鳴璫夾路如花還似霧戟門
前步步荀香劇憐春夜花融錦瑟月亞金堂况畫眉夫婿
清河小弟杜曲諸郎紗籠徐引繡幙斜張藍橋擣就玄
霜瓊島仙花偏並蒂珠簾畔一朵笙囊朝來更喜五銖裙

細百子釵長問傍人宜爾何如生憎喚作宮粧

花發沁園春

月夜布席綠萼梅花下同友人小飲

借月爲花將花做月漾漾一樹皺玉銀梳飾春瓊簫煖夜
值得珍珠幾斛冰肌睡足更掩映生綃六幅念月姊徹夜
孤寒梅妃自小幽獨花影風搖簌簌任春城夜闌畫鼓
頻續金爐燼處珠斗斜時月與梅花微綠清輝滿目揉吹
滅枝枝銀燭夜深沉我醉休扶和月和花同宿

二郎神 第二體

咏梅子

一株梅子正纍纍粉紅墻後問葉底枝頭爲誰酸楚却又
爲誰消瘦太息春歸誰來問記不起鶯花如綉向杳杳簾

柳陰陰院落伴人長晝
纖手幾番小摘已醒殘酒更撚
向粧臺玉娥低說曾見依稀如豆翠已漫空黃偏做雨又
到傷心時候
筭顆顆冷香鬆脆想爾料難勝口

迦陵詞全集卷二十三

宜興陳維崧其年著

弟 維岳緯雲 恭閱

宗石子萬

男履端

姪賜薛 校

選

春霽

春寒撥悶作

三月吳天那肯碧帶暝連陰做黑簾閣空憑角巾長墊心事對誰人說尋尋覓覓城南行遍還城北向甚處問取酒旗歌扇舊踪跡 筭是除却社燕堂前今朝更無一箇相識悶無聊豪情不禁當街倚醉拓金戟一任酒狂喧巷陌

蘇軾詩全集卷三三
一
怎奈易醒不如歸擁羅衾愔愔睡過一年寒食

秋齋

本意

步履欹斜向黃葉村邊閒眺晴綠水映漁莊霜明菜圃陣
陣寒鴉落木遠空乍沐好峯數點脩螺蠹更窅窅極浦淡
拖帆影織千幅憶昨素舸汎汎長淮水涼燈昏和鴈同
宿夢家鄉西風菰米炊烟晚斫鱸腮玉夢醒葦花聲簌簌
詎意此際故園潑眼秋光一杯雪蟻幾枝風菊

送江辰六之任益陽

綠染熊湘正翼軫之旁一點星小鹿走晴巖鷓啼斑竹細
雨黃陵古廟江山未老又逢仙令栽花到官閣外鄂渚昭
丘彌望總殘照去去定遇新月已船夜闌櫓聲觸醒沙

鳥徧江鄉白蘋紅杜客愁應並楚天杳此地西風知倍早
君更爲我試問陶侃當年空灘戰艦尙餘多少

西河

春日偶過亳村故居

前村裡落梅陣陣風起舊家池館暫經過玉欄漫倚粉英
也爲主人來雨中和淚梳洗 畫簷損月榭圯藤蕪畹蹀
盈砌頽垣敗井劇關心那能遣此賺人連夜卸烟帆半篙
埋怨春水 一天絲雨灑不止總難尋舊日鄰里祇有點
波燕子上雕梁絮語墨花簾底似話王家當年事

中秋前二日紅友有愛女之戚詞以慰之

西風下幾聲冷鴈如話涼雲疊疊暈輕羅淒清難畫左家
嬌女本盈盈紅珠掌上無價 記學母將眉畫金瓠蘭支

其亞簪花鬢尾字偏工黛痕瀟灑有時鶯上綠窗啼風籬
烟柳偷寫月娥小別閨苑夜最難忘水館瓊榭耿耿彩
鸞思跨趁秋宵海上冰輪高挂叢桂香飄人歸也

西泠落暉

傷心事碧雲黃葉天氣漫登粉堞望溪山戍樓閣倚茫茫
不覺百端來暝烟暗結津市銀濤吼紅日墜老楓烘得
如醉無情肯逐水東流只貪西逝臨風太息語陽鳥長繩
縱有難繫估櫓競蠡野岸底說胭脂落照相似明日大
風定起且移船泊入前汀蘆葦臥看新蟾墮沙尾

紅無雨
定多風

解連環

感遇和雲臣

棐床抵几看九州蕉鹿千秋槐蟻總若輩炙手熏天歎不
殺袁劉依然寒士臣醒而狂笑不值一錢程李問舊年朱
戶幾徧重經都剩衰蠹何如沾沾自喜只竹弓射鴨芒
屨驅豕玉顏石髓難留拚老去琅琊終爲情死拍手狂歌
正天畔暮山秋紫近重陽蟹肥釀熟醉爲佳耳

暮秋看窗前杏花

碧秋澄澈把江南染徧是他黃葉忽一朶半朶春紅也淺
暈明粧薄融酥頰簸雨籠晴笑依舊茜裙微摺只夜涼難
禁露重誰忺蛩語淒咽回思好春時節正桃將露綬蘭
漸成纈樓上人醉花天有畫鼓銀罌寶馬翠塢事去慈恩
枉立盡西風閒說伴空濛驛橋一帽葦花戰雪

奕用片玉詞韻

瀟湖棲託面荷塘
杳靄柳陰綿邈有一帶海素籠窗
恰臨水倍明比烟尤薄
畫困心慵便絃上懶調
郭索且呼朋坐隱留客手談聊
代行藥花陰半庭間若漸局中爭劫
枰上侵角靜覺一派蟬聲將殘
燠餘炎耳畔銷却爛了樵柯
怕又謝蓬萊桃萼悄無人
萬松沸處微聞子落

再咏奕用雲臣原韻

荷香清燠更松風
滿院簷鈴戛觸有數客清晝圍棋
儼地割袁曹疆分楚蜀
布筭疑思漸髣几光連幽竹
笑都無下意歛子收奩只倚空局
須臾山飛海覆惹旁觀爭看枰
際紛逐料得橘叟功成怕枕畔
黃粱定已炊熟何似安眠
且暖戲閒消三伏任人猜奕
家劣手阿奴碌碌

送孫愷似孝廉南歸愷似陪使朝鮮曾輯採風一

編載彼國士女詩詞畧備故後半闕專及之和

李武曾韻

渭城朝雨怕聲繁拍促婆如結楚誰砌滿黃葉中原恰暗
捲歸人渡萍沲去萬里槎程曾透迥龍荒小部憶下句驪
國慕華樓下醉呼鷹處采風一編竒否記斜行小字鸞
鴻跳虎中間一幅苔牋是貴主婷婷摩訶避暑不信鸞姬
也解唱謝庭花絮儻書成釐正陽文休刪夏五采風集中有朝鮮婦
主詩
婦公

望明河

丁巳七夕玉峯作

明日
立秋

水輪尙缺已耿耿流輝盈堦銷雪漣子空香較蓮子清芬
兩般誰列荒唐稗史話認做是鵲橋佳節惹無數樓上穿

針兒女凭闌低說 風前老顛欲裂問青海幾處玉臺銀
闕明日西風怕點上許多無情華髮碧簫吹來破又躍入
龍堂變精鐵喚他起須伴狂奴醉舞冷光潛掣

飛雪滿羣山

本意次宋張渠韻

纔訝悠颺俄驚飄瞥明駝皓鶴齊還銀房歷疊瓊濤滯
失却天半烟鬟玉參差成頂都釀做吳江暮寒無聊又聽
誰家畫角吹入小屏山 記得潼關前歲發一行騎阻萬
里程怪雲籠楚棧風餐漢壘紅氍毹在混茫間又故鄉雪滿
描難就倪迂范寬來朝定齊一簑准擬江上看

白門署館對雪

紅樓倚南錦衣倉口糴綿舞絮漫漫瓊沙浙瀝吳鹽飄

偏將屈戌敲彈此中歌
玉樹想千載瓊花未殘
獨憐對酒無絲蠟
殿寂寞強憑欄
記起景陽宮舊事
玉兒縞素慙
醉辭鑾詩顛不禁酒
狂徒發
茫茫哀樂無端
鍾陵消紫翠
捲毳幙
渾如白檀來
月徑去
漁簑披了江上看

雪霽

萬瓦銀皴千門粉窖
六街簾幙疎疎斷
橋紅板小帘黃布
一齊映入冰壺幽人無箇事
閒屏當吟軒釣車
桓家寒且
王郎水厄活火沸風爐
女牆上霞龍積
素藐姑仙子春
透肌膚明粧酒暈檀腮
茜捻江天此景難圖
詩顛兼酒惱
聽滴瀝鄰家玉珥誰堪共
飲街南且拉諸狗屠

清江裂石

人日送大鴻由平陵死陵之皖桐

彩燕粘鷄闌酒天輕軟到釵鈿准擬暗塵元夜覓羅帕月
底燈前訝舴艋來迎何太早綠帆拖雨貪看水成烟殷勤
問姑溪瀕水那似瀟湖妍 二月向龍眠縱陽城下可還
有士女鞦韆西望是潯陽琵琶亭下見說道邊愁已入新
年對東風倚江樓倘遇鯉魚紅尾寄我碧桃箋

泛清波摘遍

咏沼內紅魚

吳娘水閣幾曲金塘時聽紅魚跳波響翳然花竹日高舟
尾浮菰蔣粧臺上傷春天氣中酒心情斜溜明驢還細相
照水釵傾投餌鬟偏幾遍惆悵 朝霞漾寄到啼槭染血
帶得落花鋪絳愛爾絕代紅粧水雲高曠渾無恙嬌鳥籠
底去來美人影中生長莫管畫溪笠澤粘天風浪

萬大士表兄招賞白蓮賦此

軒如烟艇益作晴湖一朶白荷簾外舉梳風颭水記在普陀巖下路辭鸚鵡悵落塵寰空添枝節受盡人間千斛暑翠幙低張氷井斜凭憐爾嬌嫋如相訴墜粉曲塘有恨回首花宮無語贏得素質亭亭瘦影踽踽還凝佇柳外又仄銀蟾葉間猶跳平聲宿雨應惹弄珠人到乘夜擧取

芡

江妃水戲龍女夜游遺下鮫盤波面貯勾圓鬆軟顆顆枝頭綻新雨誰家女粉裙一色銀浦三更船泝空明烟外語爲愛鮮妍爭向微茫遵岸尋取 擧宿莽苞作鬚毛暗磔實愛鷄頭初乳剖罷萬斛晶丸零亂川澗添嬌嫋那數雲子彫菰偏宜玉纖幽俎祇怕如珠秋露採時休誤

立秋日憺園塔影軒作

稍聞茶響似有蟬鳴便作冷香空翠想無聊無賴淥水廊
邊自來往凭闌望半房蓮子幾筋尊絲誰信已將秋細釀
怪底樓前今夜明雲分外凄爽 暗惆悵蛩語乍親枕函
砧韻漸生門巷怕是愁人此時易添羈况漏湖上差有月
嶼風潭非無釣船菱榜何不五湖歸去傲然呼長

采菱爲閻牛叟賦

牛叟兌閻遺徽自序曰妻種菱湖西常携諸女扁舟採摘當夕

陽下春翠袖紅鞋與清流碧藻相映宛在畫圖寅秋尙期踐此約而竟不逮矣

花窺鏡盒蔓匝韡紋十里西風公路浦憑將舴艋小織烟
潭葦花舞低舉取涼欺鴨脚嫩壓鷄頭肯似碧房蓮惹苦
淺泊前汀并買秋鱸吹火同煮 斜陽渡晚來誰迎水橋
暝色隔村人語詎意前游微茫竟隨客歲鴈程去瑟瑟板

渚輕波濛濛蓬船疎雨一自采菱歌斷謝娘何處

望梅

春城望紙鸞

夾衣初展漸梅鬢。堅粉桃腮堆絳。鳴頭波倒浸春雲。風日
美。一天紙鸞都放。隊隊兒童競喧笑。綠楊門巷。正偷將殘
線。趁取新晴。恣情游賞。將扶乍低旋漾。把溪烟攪碎。晴
空撲響。漫掠他青粉。牆西惹翠。秋遙凭紅闌凝望。急景難
淹。又天半夜燈初上。見火蛾旋繞。飛下雪梨十丈。風箏集
燈火并於其上
高放梨花雪炮

傾盃樂

善權寺火

甲寅九月十九日事

玉寶瓊扉琳宮紺宇層崖染茜嵌峭壁三生堂後梳粧臺

左李唐遺殿黑摧禿柏蒼反坼雨淋浪薜崩剝壞梁雷篆
昨春野寺記着青鞋踏徧陸渾火燒殘赤縣焚玉石餘
灰延鹿苑歎一夜狼狽悲號千年龍鬼糜爛化斷井頽垣
一片剝落落長松誰伴想月夜古洞裡仙靈浩歎

正月十三夜預卜元宵月

絲雨如酥小窗似夢睡獨難穩試燈夜鳳幄慵點香閨潛
向姮娥預懇元宵可有冰輪分奈瓊瑤舞紫幌拂簾逾緊
安黃別翠都到眉峯砌恨隣院女盈盈來問說青鳥廣
寒原有信要春城一色鋪銀夜市萬家堆粉正雪後玲瓏
燈映又陌上軟鬆鴛鴦滿當此際纔湧上團團玉鏡

品茶

雨後新晴林端小閣疎簾窳地正註罷南華下卷幾殺綠

雪嶽僧新寄澗邊杓取鳴泉試借幽廊支瓦鉤細商茶事
松風入聽瑟瑟珠跳平雪沸綠髻女嬌拖燕尾捧玉濕
鉤州磁盞翠羨幽韻未瀉先傳餘芬罷毀還滯漸証入茗
柯至理終不負醅奴風致七椀後玉川子頽然竟醉

望湘人

秋日過準提庵訪石公上人時上人初自都門歸
携有緯雲弟家訊

見石蹲若獸樹老於猿誰家廢圃荒館改作僧寮恰臨野
渡花竹翳然平遠萬里烟塵經年烽火家書常斷正兵間
迓一僧歸來作上林秋鴈把向晴簷細展怪一槭侵蠹
八行纏繚書到汝爲人笑靨啼痕參半歎世上只有西風
嬾不送征人回轉更惱是故國茱萸眼底仍然開滿

寓樓微雪咏隔垣所見

訝銅街轉處銀井灣頭盈盈霧髻烟髻又被斜風捲來微
散越與明粧相覩絮裊裙拖雪沾粧閑行來將近想憐他
輕軟纖鬆故把凌波偷印誰念隣家樓上有他鄉狂客
隔干凭損枉目斷瑤堦難遞飛瓊音信料孤館只晚寒成
陣況是歸期無准偏戲弄牆外花梢搖落一庭新粉

贈南水上人

上人住吳門百花洲

自鞦韆拆了杜宇啼殘粉箋怕寫新句暮遇維摩來游罽
罽姿致訝如張緒雨裏樓鞋烟軟簪笠隔花吳語喜韶齡
更扭才情解唱碧雲日暮借問師家何處在百花洲畔
近胥江渡此地我曾游千載最消魂路昔日無限錦帆柔
福只剩綠波南浦想月中跌坐香臺尚有精靈來去

夜飛鵲

代妓贈別

爲金沙史耳翁作

官橋幾絲柳，綰住蘭舟。含淚暗上津樓。枇杷門掩東風暮，
曾拚睡，煖鴛鴦，裊流鶯。替人傳恨，向風前絮語，百種難休。
玉簪恩重，卸將來，嬾節離謳。旣道有人拘管，何事到旗亭，
慣惹閒愁。記否連宵踪跡，雨天中，酒月地，梳頭落花城內。
馬蹄紅蹴滿銅溝，只瑣窗歸去，莫教輕漏客館風流。

望海潮

題馬貴陽畫冊

極北龍歸江東馬渡君臣建業偏安天上無愁宮中有慶
聲聲玉樹金蓮黠綴太平年更尙書艷曲丞相蠻牋月夕
花朝那知王濬下樓船
玉清月照闌干帳多時粉本流

落人間可惜當初丹青妙手如何不畫凌烟風景極淒然
寫一行衰柳幾處哀蟬展卷沉吟昏鴉蔓草故宮前

晉門城樓卽伍相國祠春日同雲臣展謁有作

鼉鼓鯨吼龍騰犀踏胥江萬疊驚濤沿水收牆臨風壞驛
千秋尙祀人豪英爽未全凋正綠昏畫幔紅熬霞旃太息
承塵我來還爲拂躡 城樓徑躡層霄悵蘇臺碧蘚相
望岿巖西子笑時包胥哭後霸吳入郢徒勞颯沓響弓刀
莽稽山越榭今也蓬蒿社鼓神絃依稀疑和市中簫

擊梧桐

酒闌感賦

被酒陽狂當歌慨慷幾遍雄心骯髒蘆中人竈下養市南
屠狗城東賣醬更邀昔日知交白擲劇飲掀髯抵掌擊碎

唾壺拍碎胡琴舊事流波一往 想像衣香沉吟手粉！
轍後堂情狀燈炮後夢回時曾否玉人無恙醉後猛然思
省人生何必定多情且潦倒短衣射虎學藍田李廣

夏日同友人過竹逸齋頭小飲賦此紀事

毒熱鎔金火雲焦釜喘月吳牛無那剝啄聲誰拉我過君
高館科頭而臥只愁避暑何方除是剪却亂峰千朶更上
危樓快劈么絃彈得冰天都破 小飲深談耳酣氣熱不
顧旁人而唾筭今古幾賢愚詎有斯人長俄歸去先生爛
醉任他拍手群兒罵且踏着一街新月把小詞問做

一萼紅

寒食記事

玉津園記箇儂門巷淥水漾罌恩社燕低飛傷簫輕弄東

風隋柳如絲正客裏禁烟天氣趁流鶯啼處立多時蒜押
雙搗藥欄九轉瞥見師師十五破瓜年紀恰梳頭纔了
緇額偏遲紅玉勾人碧虛留客篆烟半裊金猊魂斷是瓊
闥有縫迸他修竹兩三枝料爾一春寒側長倚腰肢

癸丑除夕

響銅籤許多年舊事和恨壓眉尖記得當初後堂弟妹團
圓圍定紅簾飲盡了屠蘇千盞拋書鼓憨笑賭黃柑十里
春城金娥暗撲火鳳交啣自後也逢除夕歎此生長是
弟北兄南第宅俱非顛毛都換每因令節生嫌只萬點官
橋夜火風吹零亂映疎簷羨殺隣家歲酒隔巷春衫

納涼梅廬

梅廬南
耕齋

屐初停見亂杉深巷門境已空幽一派風廊幾層鈞檻微

茫人在滄洲軒子外蒼皮怒裂更紅魚碧鵬漾銅溝屋小
如暉齋虛似舫萬籟颼颼到便垂琴啜茗向水邊企脚
林下科頭卿論殊佳吾衰已甚世間一笑浮漚且盡日談
空說鬼豈花棚上月如鉤再噴數聲風笛催動新秋

薄倖

賦得水晶簾下看梳頭

戟門春暖紅日漾圓水清淺筭一帶茱萸牕網便是箇儂
粧院素領巾半幅烟綃行來剛被微風捲更點點斜紅溶
溶泓黛嬌面欲勻還嬾恰十載傷心事憶釵響衣光何
限只玉纖撩髩春葱纒額一番回想腸應斷風流放誕記
千金艷質粧成愛映春流看別來香閣峭冷尖寒應滿

過閩門感懷用湘瑟詞韻

春波旬線把船檻和愁倚徧記舊日膽娘門巷只在畫橋
南轉靠他家一樹枇杷流鶯日日啼歌扇向燕子樓邊鴉
兒酒內生受花憐柳眷到今日思量處空熏盡沉香火
慢被東風幾陣晴絲一夜吹將往事連天遠鮫珠休濺便
玉京仙圃也應風景年年換閒愁莫惹城下紅桃正綻

舟次惠山再疊前韻

綠楊金線記此地經過百徧曾募遇水仙祠後月裡游船
初轉凭幾楞臙粉闌干水晶簾子桃花扇正一色彩紅雨
行蹤綠何處鶯儔蹀躞聽檀板孜孜拍似唱到小秦王
慢恰水烟一派衝開笑語鼓兒撾了人兒遠年光濤濺也
思量再覩重來無奈心情換尋春須早莫待百花齊綻

山下與顧景行話舊三疊前韻

風箏脫線向水驛山程繞徧笑十載求仙任俠只有金丹
難轉又那知舊侶重逢淒涼似閨秋風扇論紅燭前情青
衫少日曾訂厚盟深眷且與作開元話聲漸緊四條絃
慢算年來爾我行藏畧似交情直比春山遠酒槽珠濺向
當壚小語香醪可許新詞換惹他一笑榴齒臨風微綻

惜黃花慢

晴郊訪菊

郭外烟林趁板橋夾浦迤邐秋尋溪翁隴口半畦嫩蕊園
丁屋角數畝濃陰離披開坼鋪如錦縱藻曜偏覺蕭森選
野岑倚風藉草隔澗捶琴濁醪無伴孤斟漸林霏小結
巖翠將沉家居卷畫厨方膾玉人懷彭澤籬恰插金西風
何事頻吹帽便短髮菊也須簪攬客心前村碎杵零砧

一寸金

夜泊金沙城外有懷潘子南村兼示于吉人虞我

武潘子述諸子

櫻筍江鄉小艇濛濛桃柳郭正棟花風縈遠村寂寂桃花
浪決斜塘漠漠客睡何曾着櫓聲歇閒愁頓作空潭上水
笛風燈添取城頭戍樓角暗省當年溪南詩老曾經對
床酌更憚齋一夕紅亭絃管楚川十里綠楊池閣風景何
常與歎滿目酒壚非昨如今只雨打船窗徹夜長索索

距毫村不數里有古刹曰敬先庵庵側有一高丘

或穴其下乃得古墓隧淵幽涼明器怪詭似是

古侯王墓詞以紀事

古寺高丘雨溜松毛土花澁有破空石甌呀然如竇懸崖

鐵繡窈然而黑壞棧盤雲仄鳥窺處龍湫深極誰人作校尉摸金千載畫衣化烟色 隱隱便房迢迢夜壑風吼魚燈逼問珠襦玉匣幾年耕破金釵銀枕誰人拾得牧子頻吹笛惹漢武秦皇沾臆歎多時樂大城荒徐福歸何日

慢卷紉

賦得秦女卷衣

長城西去曉關一望萬古消魂地悵漢苑秦宮隴樹洮雲棧連梁益閣通燕魏繡嶺渾河灞陵紅樹烏鼠山如髻有六郡良家四姓小侯盡隸都尉 金鴻嘹唳蕭闈忽憶寒衣事刀尺擬裁量怕帶圍難記砧響秋宵逾霽搗瘦銀蟾敲殘木葉疊在紅箱裡倘寄到軍前驗取羸樓翠綃封淚

八寶粧

咏荷錢

欲綻紅衣將擎翠蓋先放錢錢葉大已自成盤休訴窄百
琲還能盛裏水邊樓上誰家嬌困惜騰五銖閒向欄干簸
不料幽潭深處偶然輕墮 幸值緩步江妃將綃攬取青
畎猶未曾破又怕被土花偷浣傍綠水鋪來停妥笑筵樣
苔般誰做祇如鵝眼些兒箇只未解遮藏彩鴛莫便一雙
臥

迎陵詞全集卷二十四

宜興陳維崧其年著

選

弟

維岳緯雲

叅閱

宗石子萬

男履端

校

姪賜薛

疎影

憶鄧尉梅花

佳人空谷有銅坑千樹瀟湘一幅暗記當年纔過收燈有
人約探林屋參差帽影鞭絲裡餽得許多濃綠便歸來
攜取冰魂併入小窗橫竹詎料今年病裡東君又過去
九分之六冷落看花情性槽騰且把道書閒讀不緣修道

緣伊冷恐辜負樓東瘦玉忍餘寒夢到深山細問一春幽獨

咏瓶中臘梅

簾紅瓷翠襯蜜犀花朵色疑髣几入道梅妃新換黃絕賽
他林下風致分得壽陽粧額上漸啄破小鵝兒嘴愛生成
金屋故園長憶飄零娣姒側正端相都好儘經營位置
費盡纖指生怕冷香易瀉侍兒頻汲銅溝清泚十分春意
三分漏猜不出蠟丸中字囑檀奴守口如瓶莫把鸞絨漫
啟

咏虞山毛氏汲古閣兼贈斧季

絳雲燼後有隱湖小閣突兀晴晝錦袍團窠箋剔泥金珊
瑚石尉休鬪墨花蝕處香偏冽官焙何須荳蔻記開雕

北宋南唐漢碣秦碑同壽 寒具慎教輕觸牙籤除付與
萸玉纖手灑灑油窗的的春榮靜對瓶花句讀縹囊便是
劉伶鍾縱萬戶千鍾何有任誇他帝子臨春此閣更饒妍
秀

獨坐祖園聞顧庵菽園亦在吳門未及一晤詞以
寄懷

軒如畫舸載笛床茗椀終朝閒臥闌酒生涯挑筭年光恰
值濃春剛過菖蒲牋好慵吟寫說不盡心情難妥似綠窗
一種嬌愁懶對盤龍枕裏 聞說湖中老輩丁儀共曹植
也客江左小鸚鵡黃小袖雲藍笑口思量同破空園寂寂
誰傳信且悶倚赤闌橋坐正水邊颺起微風滿院繡毬花
墮

暮春新霽

流鶯無賴將一天霽景啼碎窗外雨後帘青橋上衫紅盈
盈定有人在趁晴蛺蝶漫空舞立不穩泥金裙帶水如塵
玉剪輕飛莫點葡萄痕壞 幾日心情小極爲粘花中酒
暗鎖眉黛點了詞紈閣了鈿車誰愛鬪茶挑菜帽簷故傍
鞦韆側恰今日風光如海便春晴人意誰忤已報棟花風
大

黃梅

霜天殘臘綻細梅滿樹半開微合嬾關春園小白長紅只
愛新興蜜蠟鬱金堂外模糊兒貪耍學厭禳粧法惹綠窗
鎖日昏黃錯認薰香睡鴨 曾有箇人雲鬢摘盈盈半朶
和笑低挿戲罵花枝何物檀奴也上香簪斜壓如今人去

花何用索性把花枝齊掐攪斜陽別樣心情且喚澆愁蠻
榼

風流子

除夕幾士大兄以新曆燭炬餉我賦此奉酬因懷
亡弟半雪并寄三弟緯雲於都下四弟子萬於
宋中

白頭兄弟在將進酒且賦小秦王歎世上鷄蟲笑人寂寂
天邊餘兔去我堂堂誰相寄一編書是鳳千炬爍成鳳檢
處從頭時乎已暮燒時見跋夜也何長可憐惟一鴈東
風催散去永不成行迴想去冬今夜人正顛狂筭年去年
來楓根少曆春陰春雨燐火無光知爾天涯二季一樣沾
裳

感舊

幾摺枕屏斜凝眸看蕃馬簇平沙
筭故國樓臺許多風物
當年歌管何限韶華
曾記得和烟羅幌展映水粉牆遮
乍雨乍晴賣餠天氣半癡半點鬪酒生涯
也知別來事渾嬌嬾難勝
蟬翼輕紗多管逢春不語對月長嗟
只芳草粘天聲聲杜宇
請簾垂地陣陣楊花
贏得無聊小樓數盡栖鴉

南徐春暮程崑崙別駕招飲南郊外園亭同方爾止孫豹人談長益鄒程邨何雍南程千一賦

來時寒食近且近耳詎料竟殘春
正僕本多愁何妨作達官
如不醉遮莫傷神見此際酒旗斜喚客
榆葉弱繁人燕子風前是何言語
柳條烟裏別樣腰身
名園行樂處追

歡笑何限竇馬香輪况遇風流刺史瀟灑遺民奈東望蔣
州春潮拍拍北來瓜渚暮雨紛紛還怕當歌對酒忽又沽
巾

錫山慶雲庵感舊

時永如上人新遊

衆山排峭壁西風吼亂葉打茆庵記竹外時逢拈花迦葉
水邊曾值洗鉢瞿曇依稀是烏啼幽澗北僧送石橋南萬
壑松巖王裴名理半床蘿月支許清談重經春來地人
誰在祇見霜信初酣染就千圍楓柵一路杉柵歎電光石
火佛猶如此山丘華屋人則何堪隱隱前林暝翠暗結精
藍

月夜感憶

水龍飛皓彩今宵月勝似昨宵圓有一片角聲淒清枕畔

三秋桂子零亂樽前人生事半齡渾似夢百計且求仙鳳
舞鸞歌別來幾日瓊樓玉宇歸去何年 流霞須傾盡金
荷裡鯨飲併吸嬋娟遙憶庾樓今夜多少英賢想月明千
里戰袍不夜西風萬馬殺氣臨邊我控雲中黃鵠一笑茫
然

泊舟譙郡贈新安汪公言

桃花潭上水深千尺不抵似汪倫正留客西園紅燈翠幙
送余南浦淡月微雲依稀記賞花敲書鼓紉酒喚羅裙贈
到歲終休教鎖恨貽來螺墨莫便磨人時公言有青瑣名墨之贈南
熊繁華地重經過一片野渡斜曛剩下紅橋舊巷黃葉前
村想千年李樹仙游已邈三分吉利霸業俱陳老子曹瞞俱毫邑人
且自佯狂作達何事消魂

董樗亭來始見錢莼敝寄我新詞而莼敝之墓已
有宿草矣愴懷我友清淚成詞即用莼敝來韻
并求竹垞朱平亦一繼作

故人新化鶴今宵月含淚盼瑤京念別我西園朱暖翁
送君南浦雪浪掀騰誰曾料人間瓊樹折天上玉樓成湘
瑟纔彈便驚絕調粉箋剛到遠隔前生新詞沉吟徧斜
行字銀鈎蠶尾縱橫留向愁中細閱醉後閒評悵一帶新
蒲碧淒杜甫千門御柳綠怨韓翃不待隣家笛起早悔浮
名

大聖樂

甲寅清明

糝雪梅嬌弄烟杏煥嫩楊初綠正賣餠聲近簾櫳店舍恰

逢百五風颭斜旗綠波驚橋門暗鎖聽牆裡誰家笑語微
知他定是軟鞭纔下慵換春衣芳郊也擬燕賞奈舊日
心情半已非只一團蝴蝶滿地燕子亂撲晴暉墓左麒麟
枝頭杜宇不飲芳樽更待誰梨花底照明粧淡粉上塚人
歸

高山流水

卽席別吳門諸子偕園次返梁溪并呈伯成先生
西風落拓闔閭城有留儂白恰紅筍細雨落簷花吳王宮
外鷓鴣屏當好嫩橘鮮橙甌如雪真珠藥玉齊傾三兩狂
夫趁箏瑟未歇促拍調俱成閒評相逢作達耳人世事
落絮浮萍楓橋下幾船夜火一派寒更奈酒醒人又趨離
程早潮平報道山泉待我涼夢先縈儘殘年漁簑茶竈寄

浮生

江南春

本意和倪雲林原韻

風光三月連櫻筍美人躊躇白日靜小屏空翠颭東風不
見其餘見衫影無端料峭春閨冷忽憶青驄別鄉井長將
妾淚點紅巾願作征夫車畔塵人歸遲春去急雨絲滿
院流光濕錦書道遠嗟奚及坐守吳山一春碧何日功成
還馬邑雙倚枇杷花樹立夕陽飛絮化爲萍攬之不得徒
營營

霜葉飛

夜雨感舊柬史雲臣

西風鴈歷涼雲破釐成暝色如許屏風幾疊擁瀟湘正晚

山碧聚擬偷按淒涼宮譜小樓寒峭移箏柱奈偏到此時
添幾陣瀟瀟淅淅長夜難佳對此倍悵無膠銀燈細炙
猶自顧影私語一從西北倦游歸只鬢催霜縷總夢到咸
陽原去也應紅盡驪山樹筭前情都付與一片青砧三通
畫鼓

黃芽菜

輕鬆纖軟評春雪此言殊耐尋玩昔人句子巧形相又入
春趺贊細擬議兩般俱善不如單咏霜蔬便每未到春盤
早瀨甲嬌擎雋永那數禁臠此際風雪豪家點酥抑鮮
花壓羔兒紅淺寒酸腹內賸蔬畦那有羊來踐只千里湖
尊路遠鄉愁菜把權消遣對稀疎憑小摘忽憶情親躊躇
未免

山谷詩云庾郎畦菜二十七太常齋日三百餘上丁
分膳一飽飯藏神麥祈羊蹴蔬小摘爲情親杜詩也

過秦樓

松陵城外經疎香閣故址感賦

閣係才媛葉
夢章讀書處

烏啄雙環蝶粘交網此是阿誰門第
蟄巾繞柱背手循廊
直恁冷冷清清地想爲草沒空園
總到春歸也無人至只櫻
桃一樹有時和雨暗垂紅淚
料昔日人在小樓窗兒簾
子定比今番不似望殘屋角立盡街心
何處玉釵聲膩惟
有門前遠山還學當年眉峯空翠
憶香詞尙在吟向東風
斜倚

五線結同心

過惠山蔣氏酒樓感舊

余昨午與雲
郎會宿此樓

惠山山下誰氏高樓記曾借我酣眠
夜半喧山雨龍峯頂
飛挂百幅簾泉當時尙有玲瓏在
憑闌唱落葉哀彈可惜

是聲聲紅豆憶來大半難全
如今重經樓下只水聲幽咽
鬢髮鳴絃彈指匆匆舊時燕子
換做萬里啼鵲當壚莫與樓前
客應怪我淚裏紅綿惆悵煞一
天明月滿汀漁火商船

乙卯冬杪與園次飲惠山蔣氏酒樓翠袖紅絃談諧甚劇酒半忽遇廣陵高生至記與山陰友人紅橋狎讌時匆匆已十三年矣故人萬里昔夢千端不勝白髮玲瓏之感詞以寄慨

簾風暗裊檻雪新晴小樓月又剛圓有杜秋娘在微酣候催弄脆竹零絃曲中驀聽羊車到褰幃入一座喧闐驚疑甚似曾相識別來一十三年重新移燈添酒筭夜長難睡且話從前記得當初揚州薄倖有人同做樊川玲瓏去

後詩人老湖湘客飄泊誰憐憑誰報渡瀘諸葛君家燕子
依然

賀馮躬暨納姬

隔街爭唱相府蓮開覆額香彈初裏紅漆車兒穩綉簾動
壓角紅珠駮駮只愁阮婦剛纔嫁飄吳語綠窗邊過怕難
免粉防脂邏安頓最宜詳妥連晨書樓長鎖料也應推
說棟花風大千騎今年事雙雙去笑上丹軒翠舸郎君佳
話人傳徧怪底事端然瞞我尙相逢春宵筵上百罰深杯
方可

女冠子

第四體

詠美人坐禪和彭美門原韻

蕭蕭禪榻百和旃檀薰透花冠啼罷烏龍睡熟紫竹清幽

黃幘瘦小袒緋羅袖雙疊湘裙紅吐花邊一綰最憐他跌
坐桃笙一派秋江綠皺 靈山參破風幡後奈十年前事
終向心頭有佳人不偶記惜玉情懷竊香時候迎文消風
垢正值鐘聲報午苔陰移晷問籠中白雪衣娘一卷名經
完否

癸丑元夕用宋蔣竹山韻

上元晴也盈盈霽景堪畫夾城況有瓊苞千斛翠澈雙奩
冷輝交射一輪圓玉掛越顯人間天上十分良夜想誰家
年少此際正逐暗塵嬉耍 六街春謎慵猜打歎浮生故
國難把前歡借蠟珠紅炮總濕透昔日傳柑雙帕春羅愁
細研也料寫他不盡十年前話約東風選夢惹人重到舊
樊樓下

○小梅花

感事括古語倣賀東山體

君莫喜羊叔子何如銅雀臺前伎拍榼槽橫寶刀屠門大
嚼亦足以自豪人生有情淚沾臆雖壽松喬竟何益將黃
鬚晚五湖如此江山應出孫伯符傷心史可憐子卿復
何爲爾大江東一帆風來往行人閒坐說玄宗連昌宮中
滿宮竹白頂老烏啼上屋穆提婆蕭摩訶且自吾爲楚舞
若楚歌

咸陽樹驪山路可憐當日作事悞殷仲文王衛軍國家此
輩要是可情人憶君清淚如鉛水奴見大家心亦死令盡
齟收中吾聊且酒酣耳熱歌鳴鳴莫櫟筮行學估羞與
哈等伍金屈卮楊叛兒阿奴今日不減向子期生子當如

李亞子奴價今年大勝婢穀朱丹作高官未若小樓吹徹
玉笙寒

蘇武慢

汴城晚眺

暮色傷心重關極目潏潏黃河之水侯嬴館老朱亥塋高
直得英雄心死城頭戍火馬上征笳何苦愁人如是最堪
憐千里蒯緱牢落方當盛齒細數他趙宋繁華宣和節
物此事幾多年矣宜春燈燭延福笙簫多少六街三市有
恨秋槐無情和燕換過幾番人世只空留廣武滎陽一片
驚濤剩壘

送孫郎賈汝寧

無言
令明

胃脯擊鐘馬醫連騎聞者吾聞之矣神仙無路將相難爲

只有腐財可耳解人吾子健者孫郎建作急裝而起者
然袂服鳴鞭矯若奔泉渴驥又何須西賈巴平南游
獎動星下床萬里天中上郡汝水雄關儘可持籌列肆
華千箱貂褕百襲傲殺毛錐之子只倡樓莫擁如花蓮
腰纏歸計

梁溪舟中對雪

森森蕭林迢迢凍浦颯杳亂恍成陣忽飛馱雪脂灑吳裝
極目空明相混孤墩殘角小寺疎鐘今夜吟情難穩望前
村水店溪橋風裡青旗斜趁也思量一盞輝燈半食煖
玉長守南山故隱誰期屢歲每到年時請足放愁驅恨綉
陌神儺紅箋致語一教又還將華小樓前幾樹橫枝想已
漸堆香粉

惜餘春慢

梁園春同侯仲衡叔岱徐恭士田梁紫弟子萬看

牡丹作

節過前裙人稀拋壻又是一番初夏春歸下院客到中原
隨首濃陰誰畫多少濛濛柳絮和了春陰院人簾下正曉
來忽聽園丁報道牡丹開也相携去閱伯臺前孝王園
後小試玉驄寶馬梅風幾陣鶯語多般引出紫嬌紅姹歌
板欄邊競開客幄圍花娛他清夜然一枝忽憶沉香且作
開元閒話

立夏前一日竹逸招同雲臣脩承紅友天石惠文
補仲雲濤放庵二上人賞紫牡丹用朱韓逸仲
原韻

飛絮年光脫綿時節綠徧裙腰芳草維陽貴籍紫府真妃
臉暈露華春晚記得年前種時一朵嬌柔問年猶小自畫
堂養就芳姿漸長閒愁不少 壽聽得杜宇催歸濃春將
謝先自替花煩惱排當檀板料理金樽花徑夜來頻掃追
想開元舊游玉笛寧王琵琶賀老只日斜客散滿欄蛇紫
剩游蜂遠

玉山枕

咏白鸚鵡

小院清麗蜻蜓翼空如水楊花門戶梨花院落風漾金籠
蹁躚不止雪衣簾畔誦迦文怡生小怕施朱翠有玉奴夢
醒無慘然瓊枝向月中調戲 尉佗臺上當年事心兒內
重提起拋家離井好風良夜腸斷三年魂消萬里從來薄

命玉客人也只是飄零如此倩銀鴻問訊珠娘素馨花想
此時關矣

白鸚鵡來自嶺南故云

秋夜鞍轡亡友史遠公青堂詞卷竟凄然綴此

山館烟舍記汗漫同杯草飛騰峭壁攀援絕澗亂水奔渾
暮雲狼藉夜深健句怒盤空看筆底崖崩濤瀉更與酣
視羣兒擲琵琶踞酒壚而罵如今往事隨飄瓦經幾陣
寒潮打燈昏拍促更闌絃急月魄難圓蓮衣易謝淚和鉛
水汎鵲紅都點上殘練剩怕落梧聲似伴吟魂隔西窗作
秋宵閒話

宣清

玉河水

結定銀灣凍合銅溝裝成玉玲瓏若到月明轉覺嗟峨便

風吹何曾澎湃迴思客夏翠枕涼薺千家賄賣只今朝堆
滿逕文園縱渴誰愛見宣武門邊西河沿上有冰床一
帶更紫廚猩絨穩墊嬌鋪滑笏瑤京若比風橋尤快是誰
家茜裙斜截逗香肌冰前偷賽還將四絃猛彈破空潭門
吟龍安在長安臘月玉河水結時水面多設冰床往來絡
釋以供行客其技如飛較之坐騎乘車遠勝多
矣

洞庭春色

甲辰除夕懷西樵司勳阮亭主客

歸去來兮關鷄走狗間巷沉浮歎臣之壯也如人何事身
將隱矣于世焉求四十男兒悲老大笑那便車前少八閭
填胸事看人奴笞罵一半封侯回首風塵萍梗怪年來
長傍迷樓記廣陵風景青山綠水瑯琊兄弟長史司州名

士終朝能妄語更頭沒杯中笑不休紅燭夜對故園椒酒
想爾風流

蟬

窗窸北窗畔泓西欄企脚披衣正修梧日數聲嘒嘒幽
簞戛水一泓悄悄喚醒半牀蕉鹿夢更月掛涼天思不禁
流光駛怕潛催落葉暗換疎砧終朝餐風吸露筭往事
惆悵難尋記徹侯冠上親陪貂尾佳人等畔曾書鷺吟詠
料半枝棲不穩枉訴盡淒涼此夜心須蟬蛻問茫茫塵世
誰愛情音

沁園春

和川楊竹如刺史招飲劇演黨人碑卽席有作

係忠烈公家孫黨人碑
宋元祐紹聖事

屈指慙孫惟我與君今日相逢歎家世磨滂破巢剩壘丹

青囊鄂硬箭強弓

忠烈公遺像存余家三十年矣今始奉還

磊魏誰澆飛揚不

禁願學當年曹景宗銀燈底恰清歌宛轉妙俊玲瓏

燭

花墳起如龍又聞樂中山淚滿胸任刺史筵前嬌絲脆竹
黨人碑上怪雨盲風我已冥鴻人方談虎愁殺長安老石
工歌且止思兩家舊事此曲難終

廣陵客邸送緯雲弟之歸德

客裡送行蕭統樓頭且盡一杯正節近清明柳絲漸長時
逢上已燕子將來兄往淮陰弟游河北兩地翻飛立馬催
斜陽外見各天鴻鴈顧影徘徊市樓轟飲如雷笑我輩
豈常貧賤哉奈花號將離爾心欲碎地名蕪苑我賦偏哀
此去睢陽也知懷古有日經過古吹臺還應問有兔園上

客狗肆奇才

山東劉孔集招飲廣陵酒家係故郭石公宅

魯國劉生笑賣寶鞭攜上糟丘更一時意氣徐陵袁紹六
朝才調綠幘紅鞵如此人生奈何不樂況值離鴻叫暮秋
憑闌望見風廊水榭丹漆雕鏤當年此地風流記畫戟
門開溝水頭羨羊侃侍兒彎弓貼地李波小妹走馬當樓
蔓草斜陽空園絲雨爭說汾陽郭細侯還長嘯只眼中花
月誰似揚州

冒天季五十書贈

慷慨悲歌旁若無人逸君一觴更四絃入破聲哀以思三
更被酒出醺而狂和路崎嶇舊游零落哀樂縱橫不可當
生平事曾短衣匹馬錦瑟紅墻歲華一去堂堂又半百

此點自傷歎醉必沾襟是兒可念飛而食肉此志難忘
人道買臣今年富貴路鬼那揄笑一場重酌酒看玉山鱗
上今夜顏唐

泊舟惠山看六朝松并艮嶽石

昔歲我來乘白羊車著紫鼠裘愛交離者叟霜皮黛甲玲
瓏者丈鴈蕩龍湫王謝家兒宜和遺老爾正愁時我亦愁
曾經過看累朝興廢百代王侯別來歲月如流歎赴壑
修蛇掣不休又風吹雨滴幾場兒戲藤纏薜蝨一樣蜉蝣
石豈能言樹石如此何怪書生竟白頭重來到吹一聲鉄
笛叫破孤秋

爲泗州謝震生廣文題影兼送其之任山陽

我愛先生其冷者官其熱者腸羨康樂宣城君之家世蹟

珠浮磬。此是家鄉人。道馬曹。我知魚樂。肯荷堆盤。也不妨。
吳綾上。問傳神阿堵。何物長康。纔成半闕。淒涼忽念爾。
將離黯自傷。記淡月微風。會經批抹。好花新茗。相與平章。
此去淮陰。古多惡少。我欲來游。醉幾場。君老我在。韓侯臺。
下漂母祠旁。

贈別芝鹿先生卽用其題烏絲詞韻

四十諸生落拓長安公。乎念之正。戟門開。呼余驚坐。燭
花滅處。目我于思。古說感恩。不如知己。卮酒爲公。安足酬
吾酌矣。纔一聲。河滿淚。滴珠徽。昨來夜雨。霏霰歎如此。
狂飈世所稀。怡山崩石裂。其窮已甚。獅騰象。踏此景尤。
我賦將歸。公言小住。歸路銀灣。百丈飛。毬毬。爰趁銅街。似
水。宸和無題。

雖則丹歸對酒常終難激揚似孔家文舉外原了了得
家叔寶晚更莊莊五廟金輶六街寶馬誰數吾家老子昂
公真談難臣今日老髮短心長御溝偶過毬場笑塗轍
都爲若輩妨更內家髻樣巧如馬墜小侯舞勢快作鸞翔
酒助數行食而三數斷盡西風烈士腸羣聖有千群筆
策萬點牛羊

歸去來兮竟別公歸輕帆早渡香粉力縱而詩爭人瘦天
其未老身與各藏襟襟如堂說劍也第男兒意氣期
真愁絕却心憂似馬馬長成骨新詞填罷蒼涼更暫緩
臨岐入醉鄉况微本壯人能無刺骨公真長者未免霜鬢
此去荆溪舊名晷晷擬繞蕭齋種白楊從今後莫逢人許
我朱艷斑香

經邯鄲縣叢臺懷古

匹馬短衣竟上叢臺慨當以慷看誰家戰壘寒鴉落照何
年古戍亂草平岡十月疎砧一城冷鴈不許愁人不望鄉
徘徊久只登高弔古無限蒼茫當年趙武靈王正樹裡
河流掛濁漳更佳人貼屍粧臺對起王孫袷服舞袖相當
而我來游幾番歷徧不見邯鄲挾瑟倡何須問便才人斷
義總付斜陽

夜宿衛輝府使院

院係故
藩舊府

白月明明青火熒熒憂來無方有敗磚碎甃當年碧瓦殘
煤冷燭昔日紅牆銅沓椒圖綺錢交網贏得行人歎一場
輾轉畔憑鳳簫吹透幾陣新涼無端一夢荒唐夢應教
卻枚綬末行似朦朧簾外宮娥呵監依稀殿上玉几金床

忽聽鷄鳴旋催馬首洪水東流劉太行回頭望見驛樓飄
渺苑樹微茫

送謝雲章之大名

結束翩翩北去天椎黃衫紫韁有萬層鍊騎軍懸重鎮五
更銅鴈巷列名倡魏滑分河關山獨夜感慨黎陽舊口倉
橫戈地怕驚沙颶香亂水砢礪 昨朝並轡回翔恰路出
夷門認大梁記分題古驛憑燕甲魏同敲石火嘯雨啼霜
君又翻飛余其寥落試聽悲笳咽女牆前游在莫孤擎濁
酒重宿平陽衛輝使院係舊藩邸余與謝君曾各有詞今去天雄必重經此故云

咏雪獅

此物何來猛氣咆哮砍頭陷胸見吞刀吐火一般醜缺鏤
冰築玉百種玲瓏萬事東流一身西極隻手曾批上圈熊

真無敵。等涼州假面難與爭功。滄州城外呼風。又戚曉
獅兒臥草中。怪霜纏鐵獸。汝偏天矯。汁鏹。擗鳳爾獨從容。
頃刻天晴。須臾雪霽。贏得群兒拍手同。啞然笑歎。原來刻
鵠。詎是真龍。

大梁署寓對雪有感

凍角無聲。大旗自翻。長河怒號。正雪作花時。玉鱗狼籍。茶
常乳處。珠眼蕭騷。烏鵲枝寒。羝羊密冷。一片愁成。八月濤
當年事。記昆陽城下。群盜如毛。中原百戰人豪。經幾度
風吹并浪淘。嘆河名官渡。袁曹安在。地連南頓。馮鄴徒勞。
四節飄零。兩河蕭瑟。且將黃鬚命濁醪。吾已醉尋。市中朱
亥共鼓屠刀。

客陳州使院花朝作

歸歟歸歟我亦在陳胡不歸分正伏羲陵畔縠紋六幅宛
丘城外柳線千絲萬種溫磨百般何箇嘗得愁心早上眉
渾無計只沈腰漸減潘鬢都非江南值此年時記巷口
花驄分外嘶更舞衫歌扇傷簫陣陣倡條冶葉裙幄離離
拋了濃春陪人遠宦俊侶相嘲甚意兒真無賴拚化爲飛
絮繞盡天涯

三月三日尉氏道中作

登尉繚臺上三垂岡

即王僧虔
范曄處

傷如之何憶談兵說劍才

情磊落投秦去魏意氣嶮峨我到中原重尋舊蹟牧笛吹
風起夜波誰相問縱殘碑尙在一半銷磨短衣此日經
風歎襖日難逢晉永和正水邊柳眼斜窺芳岸風前燕尾
亂剪晴莎異國韶光中年意味寫上烏絲感慨多休憑弔

東坡全集卷三十四
七
慧滿裙挑菜士女娑拖

十月晦日懷慶署中望太行山積雪

雪滿太行碧潏瑤翻紛然杳來正黃河欲吼六花籍籍青
山乍老一夜皚皚素女凌空眩師潑水十萬瓊樓面面開
深林外更孤踪半滅獸窟全埋萬鍾寧我加哉且濡髮
狂歌乾百杯看獵徒并代霜鷹雪犬神仙王屋瑤殿瑤堦
聶政祠荒袁尼宅破世上誰人識此懷樽猶熱儘天公顛
倒造化安排

經朱仙鎮

古鎮朱仙躍馬經過令人暗驚看黃塵撲面閭閻櫛比清
波極日舟楫充盈南控陳橋西通尉氏彷彿當年古汴京
停鞭問怕沙衝地坼浪齧堤平誰何繡拱雕甍有廟貌

魏我市口橫是鄂王故事丹青未老趙家遺恨金鐵爭鳴
三月錫簫一天社鼓走賽仍多舊日僮掘衣拜欲題詩未
許淚滿長纓

叔岱先生雅有鸛鵒之癖友人田梁紫作書止之
戲括書語爲詞

客語先生惜汝鸛鵒才乎不才縱遇敵爭能差強燕雀爲
人穿鼻終是驚駭盡日啁啾一身眇小只合充庖佐酒杯
因何事却煩人把握費爾安排王褒僮約新裁更每日
奔馳一百回要新魁就浴甫令東去故雄覓粒旋遣西來
樊籠盈庭顧沾入座恐累先生盛德哉驅之便筭象龍非
計好鶴爲災

又戲代叔岱先生答

目是正傷分
以好門弟子
者亦以此爲

既不多托不是
強同愈增其
前作更勝

迎慶詞全集卷二十四

六

思立堂

先生得書再瀝餘杯敬謝客言美古往今來幾場戲鬪山
林朝市到處踴躍卿論自佳僕狂殊甚枉費相如諫獵篇
吾衰也只短衣射虎便擬終焉此雖驚愧鷹鷂看猛氣
雄心非偶然正霜天袖手試觀其怒中原賭命肯受人憊
藉爾駢騰消予磊塊長日浮沉里間問公休矣姑從吾所
好以待來年

湯皆山以瑞梅告者屢矣始則有枯梅復生之奇
繼則有重臺叠萼之異茲則深秋復吐葩焉詞
以紀之

一種江梅偏向君家出奇無窮看千年復活喬柯踴躍重
臺並感令蕤空濛人曰奇哉梅云未也要爲先生奪化工
休驚詫請諸君安坐洗眼秋風須臾露濯梧桐忽逗出

稀

羅浮別樣紅正朦朧一夜銀河影裡希疎數點玉笛聲中
只恐東籬有人斜睨菊秀梅嬌妬入官當筵上倩泉明和
靖勸取和同

題徐渭文鍾山梅花圖同雲臣南耕京少賦

十萬瓊枝嬌若銀乳翩如玉鯨正困不勝烟香浮南內嬌
偏怯雨影落西清夾岸亭臺接天歌板十四樓中樂太平
誰爭賞有珠璫貴戚玉佩公卿如今潮打孤城只商女
船頭月自明歎一夜啼鳥落花有恨五陵石馬流水無聲
尋去疑無看來似夢一幅生綃淚寫成携此卷伴水天閒
話江海餘生

南畝新葺梅廬閉關學仙詞以紀之

半畝之宮點綴纔經林巒邈綿見雪窗粉壁皎如越紵涼

軒煥館碎若吳箋須種些蕉再栽些竹拍斲文鱗戲翠蓮
安排巧有蒲團棕帚茶臼觥船勇過賁育其然美大志
君真竟學仙向丹爐晨諷黃庭一卷玄關夜誦紫誥三篇
五利虛無文成怪誕藥誤多人昔所傳優游好况新來小
築極似斜川

趙東山全集卷二十四終